

鶴慶縣志

卷九之
中上

卷九之中上

人物志 申部

儒林 申之五

文苑

申之六邑人著
述書目附

將略 申之七

武功 申之八

鶴慶縣志

鶴慶縣志卷九中上

儒林 申之五

元闕

明

孫 桐

字我儀幼穎異讀書十行俱下童年補諸

生所為詩出入襄陽輞川間古文詞尤清健值國變

棄舉子業結茅雞足山博極羣書尤契伊洛淵源理

後以母老歸諱學授徒彈琴樂志以終按通志及舊志文學傳均列桐於讓朝今從滇詩拾遺改列明末庶有以明先生之志讀書論世困叟誠知人哉金鑑識

讓朝

李夢頤 字贊皇世襲大理衛指揮早辭職性耽書

史尤精易理下筆灑灑千言嘗曰文不秦漢詩不漢魏不可云作者晚年悉屏去專研理學額其室曰聖天為徒中設周程朱張四子位正襟危坐驗喜怒

樂未發前氣象有得輒怡然自喜總督范承勲提學
道吳自肅先後聞其名徵之均不就有著有希顏錄
自知錄及名賢格言小寒山集

楊奮甲 字上達卓犖多才尤精熟春秋三傳舉

隆乙卯鄉試三試禮闈不第南歸教學三十餘年邑
人士多所造就嘗謂治經之法其始由注疏入其究
也但涵詠白文久之自有心得居鄉危言危行如興

我學裁夫馬禁宰耕牛凡有益於桑梓不憚慷慨興
官府辯論年七十選無極知縣以濕疾告歸宦橐蕭
然適門人趙毓丹出宰江左饋以百金乃得隸自是
優游林下吟詠數千言積稿盈篋卒前數日乃盡出
焚之顧謂諸子姪曰汝曹有志進修當務根柢之學
徒以家稿為貽謀縱令倖獲寔自欺以欺朝廷耳
八十有二

楊諱復蔚

字林西性耽典籍於書靡不窺下筆洋洋

洋千言其制舉文尤能發揮經義補傳註所未及乾隆壬子舉於鄉選授呈貢訓導抵任後與諸生講求根柢之學縣屬文風為之一變子戴清亦善屬文嘉慶癸酉闈後與同里者數人偕往任所省視各錄闈中作就質蔚甫讀一過即顧謂之曰諸君皆可賀然魁選竟讓戴免矣及揭曉戴清果以第四人魁多士

其精於衡鑒類如此一時有宗匠之目告歸後儘頻
年所積俸出以修墓凡近支之無力表誌者皆為樹
碑券焉矩步繩趨為邑人矜式同里趙鳳山先生疏
丹表其墓推為盛亡儒宗平時年八十四生平著作
頗富其春秋析疑六卷尤精核惜經亂均散失無存
段克瑩字純夫嘉慶乙丑進士授貴溪令性耽經
史公餘輒手一編寒暑不輟在任所招致四方文士

相與討論轉調輒以自隨所著書甚多其十三 繪
說一書尤為畢生心力所萃阮芸臺制府欲藉以鏤
板行世克塋不可後毀於兵大識者惜之

馮晉錫

字簡堂生有異質年十二游庠受知於錢

七林督學嘗於發落日面語各屬校官曰余視學滇
南得一士焉馮生晉錫是也於是名噪三迤間十七
歲中嘉慶辛酉舉人乙丑成進士授知縣權平谷令

旋補唐山所至均以廉能稱繼由唐山罷官士民更
番請留均格於吏議遂遨遊河南山左右各省久之
乃歸晉錫博覽羣書於星緯術數無不精貫工真草
書法迤西道羅公天池延掌桂香書院五載解館尤
以敦宗睦鄰裁成後進為事鄉里稱之

楊澍時 幼聰穎工楷書法能詩古文邑侯吉公深
契愛之年十三補弟子員九列茂才異等道光庚子

由副貢舉於鄉刺史吳公號循良課士之餘屢舉以
為諸生式著有寡過格言一書其大旨以讀書存心
為先事修身盡倫為功夫濟世匡時為究竟書凡二
卷其後裔子孫重刊行於世

奚毓崧 字楚翹歲貢生早歲入庠即專攻制舉業
顧數奇屢戰不第識者多為惋惜然譽日以起延聘
者接踵而至省垣及蒙騰各地舉比之擁殆徧焉賦

性嚴正足不入公門亦不一與聞地方公事邑中科
貢多出門下課徒之暇研究經史子集並講求醫術
曰良醫之功與良相等吾既不得志以行吾學其藉
手於醫乎著有訓蒙醫畧傷寒通症賦先哲醫案彙
編六部脈主病論補遺論補遺藥方備用論治病必
求其本論五臟等 古苔歌就正偶存詩稿各書待

梓

楊金和 字葛廬幼嗜學博極羣書雖道藏釋典亦
所究心而尤精於易數嘗著有太極圖說中式光緒
己卯帶補同治丁卯舉人闈墨選入衡鑑堂刻歷主
講鶴陽玉屏兩書院邑科甲多出門下望負山斗時
稱為一代儒宗云

右明一人讓朝八人都九人

文苑 申之六邑人著述書目附

元闕

明

田節

字孟符經明行修永樂時辟授本府教授

時鶴屬文教未開節教授有方士知向學

讓朝

張啟賢

字蓼懷邑副貢生而穎異喜讀書嘗就朝

霞山麓置朝霞山房用以養晦遂老於林泉生平著

作宏富其成帙者蓼懷文集鶴慶府志雞足山志卓
然自成一家顧亦經亂不復存矣

楊世恩 字錫蕃康熙庚午舉人精春秋左氏書讀

書日記數千言為文精實典麗性曠達不喜修邊幅
然示人以天人亦不忍欺侮惜早歿不克行其所學
士林傷之

李嗣芳 字世彥性純謹本故家子而恂恂無統綽

氣治禮經日誦萬言下筆如蘇子由里中士多所造
就惜數奇以明經老生平不干一顯者鄉里尤重之
子宏紀博學多才人以為家學之傳淵源有自云

李倬雲 字珏峯性穎悟博極羣書康熙戊子舉於

鄉壹意肆力於古文不徒工制舉業生平著述均經
世亂散失而其纂修鶴慶府志一書已足見一斑云
張惠可 字幼僑姿才卓犖聲氣遍天下中康熙丙

子科順天鄉試經元任江西贛州府瑞金縣知縣
已分校江西鄉試以卓異內遷兵部武選司主事
可賦性正直遇事敢言大兵征西藏呈奏十事上嘉
之命以原官參贊軍事凱旋回京積勞成疾而卒生
平精研理學著有壯行集念皋集教家錄致爽齋詩
各稿

張薇左

字穆衡中康熙癸酉舉人選授武定教官